

摘藻堂四庫全書薈要

集部

欽定四庫全書薈要

集部

御定歷代職彙補遺卷一

臣紀昀詳校

詳校官候補通政司經歷臣郭祚熾



欽定四庫全書薈要

御定歷代賦彙補遺目錄

卷一 天象

日方升賦 明張位

擬日方升賦 明張一桂 明田一鶴 明韓世能

秋日懸清光賦 明唐文獻

驕陽賦 唐闕名

織女賦 明何景明



碧雲賦

宋張耒

喜雨賦

明張鳳翼

霜賦

明錢文薦

雪賦

明錢藻

靈雪賦

明王廷相

逸句

附

雲賦

晉成公綏

雪賦

晉孫楚

晉李顛

歲時

嘉陽春賦

元 涂幾

秋賦

唐 虞世南

秋興賦

明 馮時可

知秋賦

明 祝允明

中秋賞月賦

明 黃仲昭

逸句

附

感春賦

宋 劉義恭

春賦

齊蕭愨

梁元帝

秋興賦

晉曹毗

悲四時賦

晉李顛

地理

太華賦

明王祖嫡

太岳太和山賦

明楊珩

九華山賦

明章棟

卷二 地理

砥柱賦

明夏良勝

遊峨賦

明朱知德

齊雲山賦

明劉鳳

九龍山賦

明鄒迪光

金山賦

明潘一桂

黃山賦

元趙純翁

玉筍山賦

明金幼孜

茶山賦

明梁亨表

卷三 地理

登封龍山賦

明石珪

金馬山賦

明劉寅

連雲棧賦

明楊廷宣

浮玉磯賦

明李若訥

頑山賦

明黃淳耀

小湖山賦

明楊守陳

玄雲石賦

元秦楠



塵賦

明謝肇淛

觀海賦

明王亮

南海賦

明周用

海若賦

明洪翼聖

南海廟賦

明鍾夏嵩

大江賦

明薛章憲

一江賦

明祝允明

卷四 地理

虹江賦

明馬一龍

河賦

明俞安期

太湖賦

明夏允彛

秦淮可遊賦

明湯顯祖

雲夢賦

元馮福可

限門賦

明李元暢

南溪賦

明李東陽

檻泉賦

宋周麟之

幔亭雨舟賦

明吳國琦

品興品水賦

明徐獻忠

雪湖八景賦

明蕭子駒

卷五 都邑

帝京賦

明顧起元

北京賦

明錢幹

北都賦

明桑悅

南都賦

明桑悅

蜀都賦 明 關名

卷六 都邑

晉國賦 明 張鳳翼

揚州賦 宋 王觀

寧海縣賦 宋 儲國秀

小函谷關賦 明 李元揚

荆湖山川人物賦 明 薛揚

張秋賦 明 楊守陳

金橋賦

唐 潘炎

躋雲橋賦

明 滕陽王

卷七 治道

仁者之言其利溥賦

宋 劉弁

刑統賦

宋 傅霖

無逸圖後賦

宋 陳普

淳賦

元 袁桷

擬越裳獻雉賦

明 張元忬

明 劉元震

明劉虞夔

銓衡賦

明蕭子鵬

典禮

郊裡賦

明葉向高

明邵庶

恭和御製謁陵禮成奉聖母舟還京記事述懷賦

明夏言

聖駕躬耕帝籍賦

明莊履豐

經筵賦

明范謙

親蠶賦

晉王昶

宴嘉賓賦

晉王沉

後苑燕射賦

宋宋祁

禁賦

明陳繼儒

逸句

附

皇子冠禮賦

宋晏殊

親蠶賦

晉閔鴻

禎祥

萬壽無疆賦

明張鷟

河清賦

明楊士奇

明應履平

卷八 禎祥

白鹿賦

唐虞世南

明曾榮

明徐潤

明田藝衡

瑞應白兔賦

明廖道南

逸句

附

白兔賦

晉王虞



試鑄鼎象物賦 宋徐夔

臨幸

幸河東賦 漢楊雄

聖皇南巡江漢賦 明康海南

文學

詩賦 唐司空圖

筆花生夢賦 明程大約

墨賦 明解地光

南嶽衡山墨賦

明姚履素

鼎硯賦

明蕭子鵬

逸句

附

賜蘇易簡大言賦

宋太宗

武功

大閱賦

明徐顯宗

性道

覈性賦

晉仲長敖

心靜天地之鑑賦 金越重文

太極賦 宋陳普

儒宗賦 宋王由道

卷九 性道

本生賦 宋薛士修

東方三大賦 明謝子則

農桑

瑞粟賦 元任士林

嘉禾賦

明陳經邦

宮殿

擬雝肅殿賦

明余繼登

雝肅殿賦

明沈自初

辟雍賦

元趙貫翁

雲臺賦

明唐肅

麒麟閣賦

明朱右

室宇

味經堂賦

元陳旅

賓月堂賦

元任士林

卷十 室宇

仁壽堂賦

元素楠

存檜堂賦

明金寶

綠竹堂賦

明費宏

浮梁縣新作講堂賦

明湯顯祖

槐廳賦

明廖道南

煙雨樓賦

明彭輅

雙樓賦

明吳道南

山暉閣賦

元涂幾

鄰天閣賦

明梁景先

餘軒賦

元李楠

筠軒賦

明楊榮

清白軒賦

明楊榮

閻然軒賦

明何喬新

綠雲亭賦

明錢福

石秀亭賦

明薛應旂

翫華亭賦

明劉淮

玉延亭賦

明趙寬

瑞蓮亭賦

明趙寬

吏部棲鳳亭小賦

明湯顯祖

卷十一 室宇

原心亭賦

明南師仲

白雲深處亭賦

明高翀

樂山亭賦

明劉定之

誠齋賦

元陳楚春

復齋賦

明靳學顏

秋齋賦

明馬卿

隅百齋賦

明虞淳熙

勉菴賦

明楊守陳

百耐菴賦

明楊守陳



綠筠清室賦

明陳瑚

竹齋賦

明唐肅

三峰書舍賦

明楊榮

冬窩賦

元袁楠

拙客窩賦

明張時徹

亦樂園賦

明徐獻忠

嗇如園賦

明何白

白雲茅屋賦

明劉三吾

耘莊賦

明高出

亭山賦

北魏王質

逸句

附

大將軍臨洛觀賦

後漢崔駰

卷十二 器用

屏風賦

明趙時春

小鏡賦

明田藝蘅

碾賦

明鄭明選

維車賦

晉孫綽

水車賦

明何景明

燈賦

梁江淹

燈蘭賦

明周容

燈花賦

明謝肇淛

兕觥賦

明靳學顏

空罌賦

明曹勳

逸句

附

汗卮賦 晉傅咸

羽扇賦 晉嵇含 漢傅毅

團扇賦 魏徐幹

車渠椀賦 魏徐幹

榴枕賦 晉孫蕙 栴

舟車

蒲輪車賦 元李哲

音樂

大晟樂賦 明陳璉

審音賦 明洪翼聖

歌賦 明俞安期

無絃琴賦 明錢文薦

琵琶賦 明張秦階

筑賦 明吳鼎芳

逸句 附

秦昭 and 鐘賦 宋劉敞

角賦

唐谷儉

筓賦

宋劉義恭

箏賦

陳顧野王

琴賦

晉成公綏

玉帛

荆山璞賦

元陳孟賓

珠賦

唐崔伯易

飲食

菜羹賦

明洪翼聖

豆芽菜賦

明陳崑

三酌賦

宋張耒

卷十三 飲食

酒旗賦

明石珪

南有嘉茗賦

宋梅堯臣

胡麻賦

明徐渭

老婆牙賦

元任士林

逸句 附

酒賦

晉袁山松

書畫

心畫賦

宋楊簡

古繪賦

明譚宗

上林春曉圖賦

明蕭子鵬

萬里江山圖賦

明洪貴

鴈山圖賦

明秦文



沅湘圖賦

元朱德潤

池上四時圖賦

明湯顯祖

瓊花圖賦

明倪謙

瑞菊圖賦

明顧允默

三友圖賦

明蕭子鵬

宋徽宗畫寒空棘鴉賦

明陳衍

五牛圖賦

明李日華

逸句

附

隸書體賦

晉成公綬

巧藝

釣賦

明田藝蘅

圍碁賦

唐傅夢求

逸句

附

記里鼓車賦

元楊維禎

釣魚賦

晉王度

仙釋

還丹賦

呂無仙有

姑射仙人賦

明張明弼

石田賦

明唐肅

靈泉賦

明徐獻忠

登天柱峰謁玄帝金殿賦

明顏珙

戍上雙塔賦

明周拱辰

海珠寺賦

明蘇志乾

逸句

附

鶴歸華表賦 唐闕名

後鬼火賦 宋梅堯臣

覽古

歷山賦 宋王安石

靈臺賦 元曹師孔

卷十四 覽古

黃金臺賦 明孫悅

鄂墟賦 宋薛士隆

吊秦二世賦

漢司馬相如

憫相如賦

宋鄭少微

釣臺賦

明宗臣

吊昆陽城賦

明何喬新

鸚鵡洲後賦

宋羅願

景陽井賦

唐黃滔

吊隋煬帝賦

宋孔武仲

太白樓賦

明楊士聰

謫仙樓賦

明程公許

太白酒樓賦

明趙弼

華山感古賦

金趙秉文

弔劉生賦

明陸深

仰蘇亭賦

明韓上桂

悲舒王賦

元楊維禎

弔陳了翁賦

元楊維禎

西園賦

明顧起元

北邙山賦

明顧起元

弔萇弘賦

漢王褒

海鮑賦

宋楊萬里

逸句

附

弔秦始皇賦

晉傅咸

寓言

滄海遺珠賦

明李循義

一目羅賦

明祝允明

釋鴛鴦賦

明田藝蘅

逸句

附

螳螂拒轍賦

唐陳劘

卷十五 草木

大椿賦

金趙秉文

松賦

宋文同

徂徠之松賦

明程大約

庭柏賦

明張瀚



楠樹賦 明王煜

桐賦 宋陳翥

楓賦 明錢文薦

古度賦 明楊慎

綠槐賦 明鄧雲霄

竹賦 宋王令 明桑悅

庭中有異竹賦 明湯顯祖

方竹賦 元楊維禎

天竹賦 梁程譽

草賦 宋吳淑

諼草賦 明俞允文

鬱金賦 漢朱公叔

紅芭蕉賦 唐韓偓

浮萍賦 明楊雲鶴 明夏茂卿

甘樹賦 晉劉瑾

苔賦 明錢文薦

草賦 明舒頔

逸句 附

修柏賦 齊蕭鋒

都蔗賦 晉張協

薺賦 宋范仲淹

藍賦 後漢趙岐

花果

萱草花賦 梁徐勉

幽蘭賦

唐李農夫

唐顏師古

牡丹賦

唐李德裕

明薛應旂

合歡蓮賦

明薛章憲

吳中白蓮花賦

明徐獻忠

卷十六 花果

後瑞蓮賦

明申時行

黃蜀葵賦

唐韓偓

菊賦

明俞允文

菊花賦

明張鳳翼

鞠賦

明徐渭

聚八仙賦

明謝肇淛

桃賦

宋吳淑

櫻桃賦

梁宣帝

枇杷賦

明薛章憲

荔支賦

明林古度  
明蔣德璟

栗賦

陳陸瓊

橘賦

宋吳淑

哀木奴賦

明吳信

木槿賦

晉傅咸

瓜賦

晉張載

逸句

附

朱實賦

晉潘岳

木槿賦

晉夏侯湛

晉盧湛

百合賦

唐王勣

鳥獸

振鷺賦

唐李德裕

舞鶴賦

明姚綬

籠鶴賦

明程誥

放部鶴賦

明沈朝煥

放鷓賦

明王廷相

感雙鴈賦

明石瑄

錦雞賦

明李日華

鷓鴣賦

明謝肇淛

條鷹賦

明田藝蘅

忠鳥賦

元楊維禎

後相思鳥賦

明葉憲祖

百雀賦

明程渭

翰音賦

明舒芬

逐雞賦

明陳一麟

鷓鴣賦

明周用



百獅賦

明劉翊

卷十七 鳥獸

天馬賦

宋米芾

羗牛賦

宋孔叅子

園陵犬賦

宋王禹偁

悼物賦

明王穉登

逸句

附

懷鵝賦

唐李德裕

鱗蟲

盆池魚賦

明曹大章

蝨斯羽賦

明程大約

蜘蛛網雀賦

明田藝蘅

告蛇賦

明王稱益

鞠鼠賦

明劉綱

螢賦

明錢薇

蚊賦

明錢薇  
明黃省曾

憎蚊賦

明陳繼儒

夕蛾賦

明郭造卿

蝨賦

明時季照

蛆賦

宋薛士隆

逸句

附

蜘蛛賦

宋張耒

蠅賦

宋高似孫  
南唐江文蔚

蟬蛻賦

唐左半  
唐李遠

卷十八 言志

求志賦

元 袁孝

蕭齋求志賦

明 祝允明

感志賦

元 李好文

定志賦

明 魏學伊

閔志賦

明 謝肇淛

抱貞賦

明 石珪

抱膝賦

明 沈朝煥

酬德賦

明盧楫

懷恨賦

晉潘尼

閔水賦

明童承叙

懷思

幽思賦

明顧起元

永慕堂賦

明顧起元

懷君子賦

元楊采

別知賦

明趙時春

望遠賦

明石瑤

思歸賦

宋梅堯臣

卷十九

行旅

北客賦

宋趙爽之

南遊賦

明田汝成

遵南賦

明梅鼎祚

南歸賦

明謝肇淛

東歸賦

明鄭明選

南觀賦

明田藝衡

航海賦

明蕭崇業

卷二十

曠達

大遊賦

明祝允明

大觀賦

明洪翼聖

閒居賦

明魏學洵

棲清賦

明祝允明

歸來賦

明王偉

北窗八詠賦

明楊守陳

湖山雅趣賦

明陳獻章

東山賦

宋楊簡

卷二十一

曠達

擗蓬賦

金趙秉文

觀頤賦

明洪翼聖

美麗

千秋絕豔賦

明王驥德



愛妾換馬賦

明錢文薦

逸句

附

夜酣賦

漢袁宏

詠妓轉轉賦

宋馬或

諷喻

諷賦

楚荀況

諛蒲萄賦

明趙時春

優笑賦

明劉鳳

老婦賦

明王世貞

錯言賦

明田藝蘅

讒賦

明劉世教

神女廟賦

宋晁公邁

情感

笑賦

明譚貞良

悲秋月賦

明顧起元

夢遊太白山賦

明康海

逸句 附

秋傷賦 齊褚淵

人事

人象賦 明素忠微

四壽延祥賦 明邵經邦

兒齒賦 明費宏

卷二十二 人事

竹巖賦 明費宏

榮壽賦

明胡纘宗

壽岳母張太夫人賦

明費宏

翰林同年會賦

明李東陽

交友賦

元孫仲宣

乍見賦

明徐渤

擬齊梁內人送別贈拭巾賦

明祝允明

病賦

明謝肇淛

逐病賦

明徐世溥

罪賢賦

明 靳學顏

愍貞賦

明 郭造卿

疑賦

明 馮時可

驅慙賦

明 楊於庭

禮貧賦

明 黃省曾

廣招賦

明 謝肇淛

後招魂賦

宋 晁補之

至治四御史賦

元 吳師道

欽定四庫全書

弔余文賦

元涂幾

御定歷代賦彙補遺目錄

欽定四庫全書薈要卷一萬七千三百八十二

其部

御定歷代賦彙補遺卷一

天象

日方升賦

明

張位

上天之載陰陽相推一元樞紐萬象昭回杳旭卉而英  
爽順晷度以往來彼晝夜之代謝若循環而迭催惟夫  
滅宿澄霞登光露暉望舒既匿啓明向微雞尹喔而吡  
啣鐘闌隱而依稀魏闕漏聲已催嚮曉之箭金門曙色

甫辨入朝之衣於時晦昧盡斂靈蹕正東瑩瑩熒熒瞳  
瞳矍矍繫運行而出震忽高懸以麗空望之儼然爰在  
扶桑之上即之可愛乃由崑崙谷之中越彼海嶠升此層  
霄金烏呈魄白駒強趨離曜涵輝而未普羲和弭節而  
方昭杲矣朝陽共覩三光之近旭然始旦奚誇一舍之  
遙翕赫洵霍熠爍旁煌容光畢照奧屏咸彰驅浮雲而  
散彩遵王道以相羊擬諸形容如銅槩之出櫝窺其景  
耀若寶鏡之颺光連珠翕絕合璧靈瑩進進未已遲遲



上征挹如飴之湛露報御苑之新晴揚光燾微雖未極  
萬方之照春和爛朗已先增三殿之明爾乃臨仙掌映  
龍樓搖雉尾下螭頭祥光澹蕩瑞靄凝浮射綺疏而麗  
萬戶浸瑤階而曛九旂黃屋騰輝暖氣聿飄乎武帳赤  
城生白炎光漸徧於皇州况夫曉風披拂積靈清夷璇  
空朗象淑景輕移炫堯天之化育壯漢官之威儀載馳  
載驅嘗歎夸父之走或遠或近奚庸小兒之疑惟時后  
牧就列夔高司晨傾葵麗采燦榆承輪觀溥天之杳瞭

仰明德之維新如日之升咸仰皇輿之大就之如日共  
欽君表之仁善祥集景福同撫乾運憂日中納重輪之  
上瑞謝豐蔀之頽風惜寸陰而四表咸格勤日昃而覆  
盆畢融小臣作賦敢罄丹衷願與日以同久歷萬禩而  
無窮

擬日方升賦

明

張一桂

伊曜靈之霍爍兮奔駑而如騏神既號為鬱儀火復傳  
於陽燧首三光而麗天兮散十輝而布地爰御之以六

螭兮振九域之鴻轡爾乃浴甘泉之波濤升陽谷之曠  
矚徘徊女紀而棲鳥次兮徑離石之磴磴入細柳而戴  
丹穴兮倚昆吾而凌閭風夫珠斗既沒繁星向晨清冷  
之漏既徹蒼茫之色稍分殘月尚挂於樹杪朝霞掩映  
乎紫宸觀光明之生東兮忽湧出乎朱輪天雞竦翼以  
曉號兮八方應和靈鳥仰首而晝跋兮萬國煙燭出海  
島兮浴秀飛天衢兮揚文浸滌汜之溶濫兮趨三山之  
嶙峋續啓明以融朗兮景容堯而上臻浮皓質以閃躍

兮萃彤彩之輪囷播熙熙之圓規兮流杲杲之祥雲鮮

灑氣之蜿蜒兮洩長炬之斝斝上洪煌以布景兮下斐

亘而拂雲遵黃道而揚清旭兮焜高穹而接遠垠既炫

爛而旁燭兮清翳幕於翳塵四夷八蠻咸包羅於未照

兮千類萬品晞榮光而維新諦觀其始出也冲融青冥

鬱鬱蒼蒼將軼虛無乍見乍藏其少進也汗漫喻吞昭

昭彰彰將納六合發色競芒其方升也的皦歲蕤璘班

房皇如蚪之傳如鳳之翔絕絕奕奕熒熒煌煌輝達乎

五雲之表精炫乎重輪之傍色隱映兮若木影蔽虧兮  
扶桑羲和之馭方弭節而容裔夸父之策已瞠乎其不  
能望爛照燭兮天門啓遠燻朗兮星吐光既如白虹之  
黝糾兮彩奪目以若驚又如巨蚌之初剖兮皎照夜之  
琅琅豈蟾蜍之未歸兮懸金鏡於已曙何神電鉦以散  
色兮煒煜煜其飄揚於斯之時地涯霧斂天宇煙清輕  
靄不飛纖埃不生寥廓曠邈空色虛名澹初景之縹緲  
輾碧漢而適征含霽影而澄潤軼霞表而標晴發華蔭

而不定若綺組之相成紛離披而晃曠壘陵亂而相嬰  
設藻績於金輪蔚榮光於瑤京委照乎豐蔀之屋燦光  
乎不夜之城遠近明媚表裏晶瑩玲瓏玄黃璀璨丹楨  
黠湛呈祥蒼蔚效靈雖離朱之目兮亦惝恍而喪精融  
麗日之遲遲兮敷五彩其相宣鬱若珥抱炳矣璧連金  
枝分布玉葉爭妍發寶芝之鞞鞞夾高鳥之翩跹赫奕  
奕於崇台動燿燿於長川媚韶陽於九陌鬱佳氣於三  
天煥皇都而增燁對彤庭而有耀臨萬戶以皆春委千

門而洞照九城燦爛搖翠彩於層楹六宮迤邐又旁通  
乎奧突映彩綴於繡祀開宿陰於彤墀紅拂霞而增燦  
白點雪而彌滋拱棟之朝雲共颺拂簷之夜霰已晞藥  
虹互動若啓蟄於春光井蓮倒披共爭秀於朝暉照太  
液之波而潛鯨已躍暖上林之樹而百花欲飛殊彩浮  
於螭竦又錯落乎珠璣彼鳩鵲之觀金波煜其散影崑  
崙之宮龍燭爛以交輝殆與此乎鬢髯表休異於仙闈  
考日初出之玄黃兮象君德之清明慶雲郁其蕭索兮

金定西曆卷十一  
卷一  
開斯世之太平靈貺之自天兮允孚咨於楓宸祝皇圖  
與聖壽兮長與日而俱新

擬日方升賦

明  
田一儵

圓蓋垂象兩曜合明浮蟻順東西之軌跋烏標陽德之  
精稽方中則大塊揚其彩論既昃則虞淵潛其形是蓋  
通明晦以為出入歷古今而無虧盈若夫銅龍將曙天  
雞卒號見金波之乍沉知玉繩之盡曉晨熹靄靄徹天  
光而俱浮陰氣霏霏逐雲根而並掃時則扶桑初拂若



木漸昇始瞳矓其猶微旋靛黠而益增其焯煜也閃爍  
乎出鈞之治不足方其照耀其遽進也矯健乎雄飛之  
翻無以儷其騫騰射鳳池則太液動搖臨仙掌則金莖  
靚飾魯邦童子兩訝車輪之形漢陰霸王獨怪萍實之  
色千山不能逃萬形末由匿仰之皆見歎孔聖之莫踰  
就之益親像堯仁之可即想夫陽浮紫極雲斂丹青傾  
動葵心百辟捧誠而欲進照熠龍袞一人嚮離而臨朝  
觀紅輪之忽起思黃虞之逸標亦有擊壤微氓蓬萊仙

子日出而嬉歌作息於人間水中以居映金銀於海裏  
雖隱見之不同均無負於日晷昔聞角力咸池曾棄夸  
父之杖酣戰齊野能迴魯陽之戈方士候中於既却屈  
子弭節於羲和皆冉冉過中而將暮非杲杲筮出而同  
科惟周德隆明時旭照而始熙暨虞帝中天日光華而  
復旦堯典標寅賓之吉姬雅並月恒之讚羨明時之如  
此愛萬世而未盱

擬日方升賦

明 韓世能

原夫一元既闢兩儀肇分垂陽精者惟日首法象而為  
君普光輝以照疇熙和氣於氤氲懸離則景麗中天而  
萬方正位出震則象升圓嶠而六合回春昭蘇仰育動  
蟄昏明方夫巖更始續清夜未央明星嘒其三五零露  
沃其濃灑天籟寂兮無聲大明隱其洪光宵衣待起丙  
枕猶皇則萬方未覩夫清輝而元陽方轉於重壤也迨  
夫天雞警於蟠木跋烏躍兮扶桑金輪浴海赤暉騰荒  
暘谷朝墩駕祥烟而初擁東方曙色開濛霧以方揚旭

日呈輝光照蓬萊之瓊闕曠光耀彩初浮日觀之仙梁  
綵鳳含靈兮鳴於丹穴珠蠟畏逼兮伏於瑤潢爾其金  
門閃爍貝闕瞳矐光射璇題皓祥輝之郁郁色臨仙掌  
鬱佳氣之蔥蔥霓旌拂始晞之露金河流乍霽之虹三  
殿翬飛曜初暉於雲表八磚花動移淑景於天中羲和  
駕東征之轡夸父遲西逐之功光燭覆盆率土普天而  
咸照暖生寒谷黃童白叟而俱融魑魅竄跡兮羣姦隱  
伏龜龍游泳兮瑞靄瀰濛堯莢始生兮既乘陽而方熾

舜雲復旦兮亦與天而無窮迺其照臨於四時也勾芒  
屆節則發萌啓蟄者若恩輝之燠煜而物賴其初被祝  
融司令則流金爍石者若嚴威之赫奕而人憚其豐隆  
乘蓐收以示肅則秋陽可暴而凜烈以肅殺實收萬寶  
之成當玄冥以布和則冬日可愛而閉藏以蘇息方毓  
一元之運故穹窿圓蓋渾淪方矩晷迅隙駒象推磨蟻  
雖均造化之真精疇若大明之方起是以君子夙興靡  
暇朝乾自惕仰首九天之上振途萬里之邊眇陽燧於

尺璧須功懋乎惜時矚義馭於丹霄維志存乎捧日

秋日懸清光賦

明  
唐文獻

有趨炎公子方弭蓋於廣原乍停驂於曲畛於是衆芳  
歇槁葉殞對靈景之蕭森遡鳴颺以淒緊愴兮恍兮歎  
無愁而不盡揚清大夫過而揖之曰先生其類宋玉之  
愁乎且四時皆天之行而何悲此凜秋是未知炎炎者  
易滅而隆隆者不可以久留請賦秋日令先生釋煩襟  
洗塵眸焉若夫祝融解馭葶收司蒞霜禽應令風篁協

節寒潭潦收淪池波滅槭高梧之森森萎芳蘭之茁茁  
時維清昊載肅涼夜未央聆天雞兮呶喔起金鴉兮扶  
桑既熒熒而閃閃亦鞞鞞而煌煌騁六螭之逸足散九  
道之輪光奄昀昕而始旦眎陽葩乎垂芒寒商助其清  
暉閭闔翼以高翔爾其蟬露乍晞腐風未競柔祇若拭  
圓靈似鏡睇九陌之無氣儼八埏乎朗映銅鉦挂兮崇  
蓋明玉宇輝兮澄江淨既乃禪於午位宅是離宮掃涼  
煙之曠莽占灝氣之玲瓏晃朗乎傾玉壺之萬壑熠燿

乎紛疋練於長空既合壁以生潤亦抱珥而有融雖金  
行肅殺乍回光於彫柳而奔駒迅疾猶委照於疎桐影  
落霞天兮孤鶩聲流江瀨兮離鴻揮魯戈兮返舍候漢  
瑞兮再中半規乍沒零曠不封霽西崑之餘映恍大地  
其銀鎔於是庭飄沆瀣砌冷鳴蛩瞻皓月何纖纖借藻  
景之曛曛繫澄暉乎宵晝維大明兮始終若其連觀蛇  
蜒周除參嶧朱戶葳蕤丹楹爽塏驚墮粉於蓮房卷飄  
香於蘭蕙爾乃緣隙通輝乘虛炫彩雲屏非暗綺疏不



礙景謝玉虛光搖碧海縱點綴以微雲亦曜靈之無改  
遂使菊圃散一叢之金桂苑霏千林之綵疇云具腓芳  
菲若在亦有綠雲徧野黃茂登阡多黍多稌甫田大田  
斯箱擊穀恒負摩肩發御廩開百廛肅霜維時朗旭高  
懸出農忙於胼胝滋我稼之穎堅歌堯日兮炯晃樂舜  
畝兮有年若夫榆闕晝閉羽書不歇壯士荷戈將軍載  
馱草枯胡騎驕露冷鳴笳發聽邊馬兮有歸心俄翔陽  
兮挂清樾爍彼瑀弘耀茲玄鉞揚我師之景炎蕩遊氣

於窮髮指杲曜以長驅志慷慨而吞戎羯又有林泉曠  
士嘉遯逸人偶塵圭綬終懷隱淪茲日兮何日幽蘭兮  
可紉羨山川之映帶思故國之鱸尊爰尋荔服爰謝蒲  
輪豈太清乎可滓庶比潔於秋旻於是又為歌曰秋容  
淡兮秋宇寒秋日霽威兮清可餐安得繫之長繩兮永  
盤桓趨炎子廼嗒然而喪懼然而服相與長嘯乎秋林  
願永矢其弗告

驕陽賦

唐  
關名

維皇穹之造物何靈鑿之不昭寂然陰閉倏爾陽驕風  
行天而啓象水干土而成妖山蛇則四翼呈歲日烏則  
三足昇朝亭臯背春兮失色草木先秋而欲彫螢飛火  
井蛙動陽飈嗟乎林之云滌山之方焦旱如何其農為  
是恤雲祁祁而始布日杲杲而行出立嗇夫於丙丁命  
小童於甲乙春雷無聞奮豫夜月罕當離畢阡陌之多  
稔不滋堯湯之下人斯疾是則墳封孝婦東海之守非  
才囚繫冤囿河南之尹未黜而明明我后罪已彤闈日

中而御菲食昧爽而籠繡衣慨祥正兮無潤嗟土膏兮  
遠晞冠華秉翟郡縣襲舞雩之祭務農耒用山川申祝  
鼎之祈出德號兮休力役鋪皇恩兮鑠帝暉於是驗靈  
圖稽祕錄封朽腐宥寃獄損有餘補不足躬籍田以率  
下遣皇華以問俗借如晉平老矣所好者音古樂侯文  
侯之睡希聲懜師曠之心德不足而自撫災無何而是  
侵赤地三年兮罕闕皇天一怒兮何深野無盈尺之潤  
山無膚寸之陰至如周宣中興視人如子旱魃為虐於

藩服羣元輟耕於耒耜饑饉荐臻熒熒未已畢崇奠醑  
之設不絕郊宮之祀寧莫我聽憂心如圯及夫下邳內  
史任在責誠鍾亢陽之有悔毒殲殪之無生乾坤不交  
兮茲焉中否雷霆不動兮何時滿情求下哀於人瘼希  
通鑒於神明爾其廣漢從事捫衷自省藻灑不時奚能  
泣整地則水淪金穴天則全枯玉井走羣望而何階誓  
中隅而有請是以孫武止矢蒯梁君之射烏臧文抗議  
非魯國之焚巫齊阻饑而問孔鄭有事而咨屠彼炎亢

之為患信古來而有乎昔者商罪貫盈邢為不道周師  
初克而年豐衛國致疑於請討矧獯獫兮叛渙伊將驕  
兮師老方按甲而天誅未迴戈而彗掃行看郅支之亂  
且見呼韓之保將覆油陰竚羞行潦是時也上方受釐  
宣室訪議雲臺所以仰乾封之兆稱時運之災濁河清  
兮龍馬出滄海晏兮鯨魚來山聲萬歲壇勢三陵式行  
和鑿之節常希法駕之迴皇乎備矣侯不邁哉

織女賦 有序

明 何景明

余嘗觀謝朓王勃七夕賦皆組詞繪句務極妍蕩其意  
不過侈二星靈光之會述一時遊燕之勝靡於比諷  
之義或缺也余病值七夕之夜感織女之事托意命詞  
作為茲賦以附風人之旨而事之荒怪固不必有徵也  
夫何天媛之淑嫿兮鎮獨處而寡儔任組綺以自飾兮  
誠靈質之嗜修長夜徂以漫漫兮乘機杼而懷憂倚北  
斗以延佇兮視天漢之橫流雖余衷之弗渝兮羌獨慕  
夫好仇諒天路之豈遐兮顧欲渡而無舟迺秋序之甫

交兮氣淒悽而憫惻桂枝煜兮垂華白榆曜兮寒色啓  
真卜於茲夕兮玄龜告余以吉日遡靈波以迅渡兮宛  
東路而徂行鳳凰翼以翳車兮命烏鵲以築梁先朱鳥  
以通媒兮導應龍以啓征錯璇璣之軫轡兮施縹緲之  
雜章步列星之文履兮纏素霞以為裳被翠羽之翩反  
兮雌蜺燭兮函光申雅觀於河濱兮敷悃款之衷腸舒  
幼眇以縷結兮燕淫行而相羊湛歡樂而窮極兮虞見  
妒於朝陽歛神采之易翕兮忽班駕而懷傷超兮西邁



兌兮故處慚報章之罔答兮遺玉玦於漢浦睇往途以  
連遭兮神悒紆而不去發帷蓋之委蛇兮旗央央而與  
輿輪結軫而轆軻兮衣攬袂以躊躇順飄風以右翔兮  
秋颯颯而零雨天寥迴以揚雲兮跂余望夫河渚卷綃  
匹之繽紛兮斂容輝於雲閨傳羅襪於緜襦兮居筑筑  
而少依慮前矢之未諶兮恐來期之後時掇天葩之菱  
敷兮襲芳蕤以自持承二曜之景爛兮飾五緯以修辭  
修辭兮何為願布兮貞心流波兮眇繇致余兮遐音目

超送兮增鬱聊託之兮漢南亂曰宛彼佳人阻銀潢兮  
豈無同仇誰與航兮翹首天路寡修梁兮憂心嫖妍厓  
七襄兮資質靚好蒙素裳兮九秋茲夕懽未央兮別促  
邁希安可長兮余思怨嬪實與併兮扃殿寥寥晝淒清  
兮君不為徒御熒熒兮瞻望深宮懷黃庭兮單棲守誓  
感斯靈兮

碧雲賦

宋

張耒

蹇臨高而延矚悵天邊之碧雲緬不知余何思情至至

兮續紛懷幽蘭之令姿方揚靈乎上春顧采者非其人  
使暴露乎埃塵我有旨酒相與殷勤終闕莫致實勞我  
神白日西馳去故就新發采舒光念當及晨

喜雨賦

明張鳳翼

重光赤奮若之協洽月猶亢霽不雨當事者誠民索禱  
而雩之迺霽甘澍余因賦此以志喜曰肥蠶作沴旱魃  
為殃載當溽暑乃肆驕陽噓燭龍而蒸世煬朱鳥以焚  
荒赫赫爾金流爍氣蟲蟲乎火吐燿光赤地熬煎龜拆

三千之界土黃埃塊堦鮒悲百六之封疆民乃叩心於  
昆明之鯨切齒於拘扶之鼠於是禱靈霽徵柱礎祈屏  
翳占少女咤石燕以求滄覺泥牛而冀涓繫天公之降  
鑒軫物彙之為焦爰命五雷誅駮霍露屠脩螭蛇據畢  
蜥蜴登垚阿香轉轂李靖操杓挹三江以備霏汲九井  
以迴燹其始也雲靄鍵兮含靈風颺颺兮引霽電煜煜  
兮方揚雷虺虺兮乍搗鳩攫搏兮驅羣蜈蜿蜒兮出沔  
俄而霏靄霧擁滴瀝風搓初瀟灑而霏霰欵傾注以霽

霓劈青蕉於深苑摧紫蓼於長河滯東山之征旆灑西

塞之漁蓑黠黠黔黔黯黯鏤嶙峴之色靈靈雷雷溟溟

增激濫之波斯時也溝澮盈塍疇溥養柳塘迷花塢蟻

封沒而垤鶴無聲馬鬣湮而商羊落羽減聽經研裏之

涓陋救蜀杯中之醺當羞焚炷之僖公可愧乾封之漢

武豈水廟以迎龍抑石潭而置虎行見潤灌千封沾濡

萬寶漑禹甸以重蘇渥宋苗於既槁活中谷之修推起

平原之潰草野無卉而不萎暇無禾而不葆水無瘴而

不清山無嵐而不掃炎融退舍以求容電伯呈能而蹊  
考山陬海溼同消雲漢之憂野老村疇共舞桑林之禱  
則有頌膏澤以颺徽擬醴泉而志潤慶肥莢於四山慰  
焦枯於一陣故雖少盥其常亦不害乎陰陽之順若夫  
解吳師於壞壘走秦戍於漁陽濕蕭王於道舍敗魏卒  
於陳倉夫寧直係品彙之榮靡開落亦且闕國家之成  
敗興亡至於捲簾高王勃之才折角蠹林宗之望隨車  
彰百里之賢辨獄表真仰之亮總氤氳布護之玄機又

安可以一二而名狀故神女多情聿行於巫峽蛟龍有  
意式借於池中雖陽烏之微然感陰石之未潛通是以  
仰弔伐於成湯者象之而親其澤美匡襄於傳說者比  
之而大其功於維不淫以不霰庶幾靈世於無窮洵爾  
余將偃芸窗以醉籍又何論乎麥之西東亂曰明昭上  
帝回夙憇兮咤霧鞭霆施霖愛兮潤物優游不破塊兮  
睽彼疆場靡燬焙兮介我黍稷如茨梁兮穀我士女罔  
愴惶兮畦棲晦被慶豐康兮擊壤歌衢樂堯唐兮

霜賦

明 錢文薦

吁嗟乎霜之為物，稟陰而聚，隨露而凝，甫交納火先兆，  
堅冰亮金，祇之轉轡，知玉女之飛英，星見房而始落，鍾  
應律以齊鳴，封條紀夫平子，殄類詠於淵明，鷓鴣畏而  
掩翳，鷹隼擊而軒騰，氣因風以倍肅，光映月其增清，何  
茂叢之欲敗，豈隕葉之能停，君子履焉心惕，婦女對之  
功成，至夫負嶠借以覆，繭仙都煉以為藥，蠙州則滋味  
獨甜，廣延則紺碧相若，斯皆衆目之未覩，要亦凡胎所



難獲疑乍沾而神爽想久服而老却乃若瓊筵奏伎玉  
手擎杯九枝燈閃百花帳開清歌曲折妙舞徘徊不知  
夜往寧覺曉來忽移步以冉冉旋舉目而皚皚散郢中  
之積雪吹江上之落梅進爵筓而無筓擁船裘其未迴  
奈嚴色之獨早况漏聲之頻催於是茅店雞啼板橋馬  
度白亘荒草素凝遥樹踏來有迹歸去無路恨疊關山  
愁纏夢寤則有遠道之征夫與空閨之思婦聽蟲吟而  
淚落瞻鴈影以魂赴將寄信其孰遣縱絨情而誰訴感

不絕夫慘悽憂豈忘乎寒江別有遭讒孽子受繫孤臣  
荷衣敝裘葛屨逡巡援琴抱恨舉筆含辛顛究不察顧  
影無親嗟哉霜兮何彼對之而意曠此對之而眉顰必  
衷情之有異詎物色之不均不然君試看夫天街之皓  
月與上國之陽春寧隨地而愉暢且盡人而歡忻亂曰  
青女司令濃霜結兮散為朝華比初雪兮意帶悽戾威  
凜烈兮遂使草木咸摧折兮何況愁人心鮮悅兮安得  
羲御俾速減兮

雪賦

明 錢 棻

天殘餘碧峰斂羣青煙深苔暝野入雲平乍因飈而迴  
合忽排闥以飄零花明四照蕊綻千層竹腰頻折松蓋  
如擎梅顛傅粉石骨凝冰清光千里鶴唳一聲屋壓琉  
璃之瓦簾開雲母之屏九天無月而長白萬樹非紅而  
皆春絲鱗鱗以吐瑞氣裊裊而爐熏輕瓊為鈿冷絮成  
茵鴉寒掠背風靜翻雲惟寥空之一色聽愉瘁之平分  
當夫紅爐黛暖雕閣香闌君寒妾擁妾臂君持鏡開千

靨笑冶一枝聽飛絮之高吟曾寒威之足欺亦有天街  
步軟柳下藏舟忻驢背之甚穩恣冰壺以遨遊或泛山  
陰之棹或登華外之樓冷香弱夢細細勻愁於是梁園  
才子兔穎詩腸江誇瓊樹盧妒玉堂六出爭妍雙尖鬪  
芳荀千秋之在茲雖掃徑其何傷及夫玄雲結陣赤暈  
揮鞭貔貅氣湧鵝鴨聲喧將軍飲葡萄之酒壯士歌黃  
竹之篇戈衣皜而生明光照甲而增鮮更有銀花垂榜  
絳雪成田橘叟輸塵葛郎乘船印惠可之趺而影留嵩

頂披王恭之氅而望類神仙維勝賞之足娛笑謝賦為  
未妍若乃隴水寒塞馬嘶樵徑封鄰燭微蘆花汀裏忽  
聞孤雁之鳴獨石山頭濕透木棉之衣泣寒砧而如雨  
釣空江以無魚卧袁安於土室映孫康之敝書士衡戮  
而華亭雪暗孝婦死而東海瑤飛襄陽枯骨灑人間之  
黃玉海上孤臣飽撐腹之玻璃戍卒征衣皆鐵寒閨淚  
滴為緋况乎巖風曉別蒼雲暮回銀沙萬里古道蒙茸  
雖天山之玉滿奚所寓而多窮爾乃放舟浦北覓句橋

東籬描綴影酒送微紅  
愁飛舞蝶碎翦吳淞  
仰看何依之雀遙聞  
人外之鐘於斯時也  
高士夢酣美人簪歆  
獸炭光熒鵲研冰漸  
枝低似醉波定如癡  
溪流暗瘦芳草先肥  
肌同姑射瑞積瑤池  
快心魄之如水歎造  
物之雄奇

靈雪賦

有序

明 王廷相

嘉靖己丑仲冬之月維我皇上念雪澤之未霑憫農事之靡濟乃齊心淪慮省躬咎往既禋禱於南郊復申告

於西社望三白賚於昊天俾九穀登於來稔已而靈雪  
聿降彌日達夜殊為優渥之澤允矣黍稷之祥康歲可  
期兆民允賴臣猥從班列恭覩休禎不揆蕪陋之辭用  
讚明昭之貺其辭曰

惟我皇上以神聖而御世協化機於兩儀措羣生於大  
和調陰陽而順之何玄冥以司令祕雪澤而靡施日終  
風以吹沙望飛霰而無期曰天道之惠民胡戾氣之如  
狂倘曠旱以為災奚民食之可望帝引咎以自歸心慄

惻而靡康乃微樂減膳避殿慘服罷工節財緩刑慮獄  
心無往而不齊政無幽而不燭期實德以應天冀真宰  
之降福於是勅儀臣議明禋諏吉日卜良辰躬南郊以  
祈祝即右社而駿奔秉精誠以昭假幸明靈之居歆奄  
蕙蒿之可接或盼蠻之如聞及夫社豆方徹宮輿未駕  
微靈俄集鷓班載灑聖容穆然自如百官默以歡詫信  
天人之交孚速感應之非假既而雰雰蕤蕤拂拂瀟瀟  
綴妍華於綺樹散騷屑於回飈影漾銅龍之樓光迷白



玉之橋入鳳閣以增嚴積平臺而助高靄三殿之精輝  
璨六宮之瑤瑤聖人覽瑞以開顏詞臣揚美而揮毫由  
是竟日連宵層飄疊委突矣數尺縞然千里懷山塞谷  
迷遐掩邇下潤積而土膏陽氣固而春美蝗種斃以無  
遺麩麥熟而可俟多稼滿望於甫田有年將書於信史  
三農仰德而忭舞百工有賴而交喜是蓋聖乘日躋之  
敬天示神速之眷退熒惑者未之可及禱桑林者庶幾  
同貫覽氣化之協調契天人之相贊綏靈雪以育民豈

卿雲之足羨於是皇上仰承神休拱荷天德不自滿假

恒存謙抑早朝晏罷宵衣旰食發倉庾賑糶瘠薄稅斂  
省刑辟崇儉素禁麗飾勸男耕重女織親賢而遠佞清  
心而祛慝嗜大仁以無尚久至誠而不息然後凝神冲  
穆體道玄默達禮樂於海埏匹堯軒於古昔庶政和羣  
工式年穀登天下懌坐明堂以受賀葆天眷於無極臣  
乃稽首頓首為之歌曰國有凍餒兮胡黃竹之徒謳民  
非其上兮何雪宮之獨遊我皇普至仁兮恒民隱之是

求感昊天之靈澤兮垂率育之洪休再歌曰皇心敬一  
兮昭以格天皇德宣朗兮日月之懸皇勛維懋兮王道  
平平皇圖永昌兮億萬斯年

逸句

附

雲賦

晉成公綏

於是元氣仰散歸雲四旋冰消瓦離奕奕翩翩去則滅  
軌以無跡來則幽闇以杳冥舒則彌綸覆四海卷則消  
液入無形或狎獵鱗次參差交錯上捷業以倚梁下壘

峻而相薄狀歲鬼其不安吁可畏而欲落或燦爛綺藻  
若畫若規繁縟成文一續一離或繡文錦章依微要妙  
綿邈凌虛輕翔浮漂

雪賦

晉孫楚

豐隆灑雪交錯翻紛膏澤偃液普潤中田肅肅三麥實  
獲豐年

雪賦

晉李顯

何時雪之嘉澤亦應變而俱凝隨同雲而下降固霑渥

之所興

歲時

嘉陽春賦

元  
涂幾

春風吹波兮萬綠和柔寒暴盡去兮乍離衣裘耕夫在  
田兮耒耜聿修河洲草豐兮牧犢來遊飛鳥上下兮亦  
念其儔嘉此白日兮鳴聲栗留先生何為兮有志不酬  
懷寶遯世兮以死誰尤憂吾之憂兮念夫人之捐瘠樂  
吾之樂也見心德之周流

秋賦

唐 虞世南

觀四時之代序對三秋之爽節雲既淨而天高潦將收  
而水潔凝珠露之淒冷鏡青山之澗澈燕違幕而巢空  
鴈驚羣而行絕於斯時也登綺閣臨飛觀開霧縠之疎  
幌褰輕綃之碧幔映金波之皎潔明玉繩之燦爛看夜  
鶻之繞枝望牽牛之隔漢蓮尚香於江浦草猶青於河

畔

秋興賦 有序

明 馮時可

昔安仁三十有二寓直散騎之省以秋興命篇余直赤  
龍署差少安仁爰感時事輒念歸與聊嗣其響恐洛陽  
道上見者不免擲瓦耳

嗟旅客之多懷兮雖陽和而若疾矧清夜之既屆兮其  
何興而不盡於是祝融解綏蓐收御靺夙苛捐帷微涼  
薦衿萬山颯搖百籟徐引天地凝閉物色淒緊雲生隴  
底桑疎薊門風起洞庭煙深湘沅嶺頽鮮而殞翠兮木  
落英而辭繁露凝霜以皚皚兮水激波以潺湲堂別燕

而差池兮浦落鴻而翩翩日色游揚而逾皎兮天氣晃  
朗而靡昏何晷度之漸促覺清夜之方永迅商鏗錚而  
搏霄兮金波騰絢而流影輕蛾繞於蓮燭兮寒蛩鳴乎  
露井遭托身於雲陛兮獲寓直於華省神宇微微天河  
耿耿金鋪肅霜銅龍閉冷蚪箭響微魚鑰聲靜寒榮燦  
發於銀缸星彩汎濫於軒屏惜飛光之超忽獨輾轉而  
自省廁鴛鴦之末行兮依日月之餘景伎同北郭而知  
濫兮俸優東方而竊偉感大鳩之道遙兮何雞肋之足



恃覩巨溟之渤溘晒河伯之秋水等軒冕於蜉蝣兮視  
鐘鼎猶菅稊臬威鳳不受夫羈笈兮神龍曷戀乎泥滓乘  
秋風以憶鱸兮忽拂衣以高厲訪三禪於鷲嶺兮覓四  
皓於洛涘託蘭衷於昔賢兮追蘿尚於前史延松陰於  
胡牀兮捲筠浪於箱几動以寥廓為居靜以環堵為宇  
無貴無賤無人無己蓋寄跡於太虛而遊神於太始

知秋賦

有序

明

祝允明

庚午六月丁未立秋其夕頓涼不俟一葉感淮南之論

稍為賦之

逝陰陽之愆伏造做余於茲歲伊蓐收之堅方獨秉貞而不戾受帝命以握矩布金行於區內日耿耿以謝炎風蕭蕭而助氣侍隸逸而卻扇閨媛戒於紉綴聊閉關以偃息觀燒炬之可憇熹青蠅之暫遠悅玄蟬之餘嘒雖序令其靡爽迺興悲而起噴信擘斂兮致刑將違仁兮肅義劉百生以一腰易榮華而彫瘁匪皇穹兮好殘繫舒慘其相倚始為露以作霜睇堅冰之必至感茲秋

之既知豈曰童心之傷逝

中秋賞月賦

明 黃仲昭

翳八月之既望造三秋之方半西風颯其淒清落葉紛  
其凌亂蟬嘒嘒以吟寒鴈飄飄而橫漢砧杵急於風前  
絡緯鳴於階畔天晷昃以彌高歲荏苒而將晏悵芳時  
之易徂感中心之浩歎於是乎招瀛洲之仙客載崑崙  
之霞尊席芳葍臨華軒放懷歌詠寄興乾坤於以滌煩  
襟之怫鬱於以盪靈臺之輪囷斯時也萬籟寂然而無

聲層漢湛兮而澄碧微雲盡斂爽氣可挹酌流霞於杯中  
候明月於林隙少焉素娥升於滄海冰輪碾乎太虛  
流清輝於觀闕揚皓彩於階除影落御溝一派金波蕩  
漾光涵大地萬頃素練平鋪宇宙幻瓊瓌之鏡身世寄  
冰玉之壺長河韜映列宿掩縟丹桂之影森然玄兔之  
魄瑩若廣庭水淨連甍霜潔階前之皓鶴奪鮮林外之  
白鷗失色景物極變態之百端詞翰莫形容其萬一衆  
客乃清談蜂起玉壺鯨吸豪氣凌九霄襟懷隘八極飄

飄乎如子晉乘鸞羽化蒼茫之表浩浩乎如列子御風  
蟬蛻塵埃之域素宏之泛渚不足形容庾亮之登樓未  
能彷彿既而賓主傾倒尊俎狼籍明月方中逸興轉劇  
客有歌之曰懸玉鏡兮中天散清光兮萬里酌桂醕兮  
舒余懷覺塵埃兮淨如洗餘興未已明月漸沉青山轉  
影綠樹移陰客又有歌之曰挽冰輪兮駐天末伴芳尊  
兮慰余心清光從此兮一去塵埃依舊兮滿襟歌闋衆  
客顧謂余曰人之生也棲輕塵於弱草寄浮漚於滄溟

百感撓其心萬事累其形歡愉無幾憂戚相仍故右軍  
蘭亭之會必形之於翰墨東坡赤壁之遊必播之於聲  
音也然而不過放曠於山林之內傲睨於泉石之濱而  
已今吾與子遭聖明之時值隆平之世幸聚會於輦轂  
之下得從容於琴尊之際挾清飈以飛仙弄明月以適  
意盖有蘭臺之所不能兼赤壁之所不能致者矣獨悲  
夫聚散靡常勝會難得今夕幸同几席之懽來歲寧無  
參商之隔乎子宜播之賦詠傳之來日庶幾後之視今

亦猶今之視昔也於是乎乃拂剡紙滌端石命毛穎灑  
子墨構思方成餘景已畢

逸句 附

感春賦

宋 劉義恭

聽時禽之弄音信闐闐以嚶嚶悲陽鴻之赴朔憐春燕  
之入楹天晻曖而流雲日陰翳而淪精風淑穆而吹蘭  
雨濛濛而洗莖草承澤而擢秀花順氣而飛馨

春賦

春 蕭愨

落花無限數飛鳥排花度禁苑至饒風吹花春滿路巖  
前片石迴如樓水裏連沙聚作洲二月鶯啼纔欲斷三  
月春風已復流分流繞小渡塹水還相注山頭望水雲  
水底看山樹無餘香尚在歌盡聲猶住麥隴一鷺暈菱  
潭兩飛鷺

春賦

梁元帝

洛陽小苑之西長安大道之東苔染地而盡綠桃含山  
而併紅露霑枝而重葉網縈花而曳風



秋興賦

晉  
曹  
毗

素秋始啓清風激暑葉零玉階柯委勁楚離禽嚶嚶而  
晨鳴輕帷翩翩以微舉夕露頽潤於蘭庭秋蟲屬響乎  
廊宇

悲四時賦

晉  
李  
顯

悲炎節之赫羲覽祝融之御轡遊井耀兮南離晞辰凱  
之長吹蔭綠柳之楊枝雲鬱律以泉涌雨淋漓而方筵  
奮駭霆之奔磕舒驚電之橫摛

地理

太華賦

有序

明  
王祖嫡

往有胡僧徧遊海外歷閩區中暨過太華膜拜咀贊久而不去以為名山之勝高此者廣此者幽此者修此者深而邃者險而怪者多矣若夫四面神削一雷鬼鑿幻晴空之芙蓉雄天都之雉堞雖在塵寰實標仙府未有茲山之儷者也余夙櫻疾疾雅慕冲虛猥以使節之暇獲志探討宿最高之危峰窮無盡之大界未嘗不悒然

自失疑蕉鹿柯蟻非真境也及瞑目遐思又復歷歷知  
非夢游輒作賦一首私紀其蹟嗚呼斯地斯攬亘古大  
觀即長卿神化子雲玄竒殫楮腐毫亦莫能狀矧寡陋  
蕪俚如余者寧不溷太顛之純素資文士之軒渠乎雖  
然昔賢所賦侈張靡麗實以辭掩余則局促模擬如惡  
書臨榻庸繪肖貌彷彿其似而已金天正直庶幾免綺  
語之僞云爾

繫穹窿之崇顯迨磅礴之北垠剖洪濛而七垠別分野

而應象眷西顧以誕載視上公而輔相灑素凝結位寘  
允方天漢下傾星宿濫觴瀚渤汎涌浩浩湯湯壅闕泝  
洄潰溢孰防馮夷懍警馳訴帝傍爰命巨靈東劈首陽  
屈屣岷崎靡緣特峙巖薛峻嶒去天而咫尺丹嶂之危  
垣聳玄霄之堅壘五岳居首三條處中四面成削一線  
僅通蟲凌空之冰梯駕憑虛之彩虹心屢回而惛惛目  
幾眩而朦朦維決叻攀注雷升督井窺天竇躡霧穿雲  
依巖傍岫狀引壁之蝸牛肖登木之鼯鼯撞窮峽既仄

徑孤懸閣不盈尺修廼竟阡若鼻嗅物如耳屬垣面簇  
彌高之絕巘趾臨不測之深淵鳥戢羽而畏奮猿斂臂  
而不前重足次且側身不于纚拂去憤縫偏東繫蹈滑  
苔而重繭捫嵐坎而瘴瘕犁溝嶮呀車箱踏礎砒已盡  
而忽連括將夷而猶屬泐峻脊兮蒼龍迴健翮兮冥鴻  
度赤城之石橋跨碧落之僊竈嶠嶙盤紆巘岈巉崆鼓  
調調之天籟御冷冷之罡風弄珠簾之濺瀑把玉井之  
芙蓉顛邇松檜崖躋日月掌學凝膏盆池澄碧丹竈未

燿瓊漿尚滌聯霞洞之滴乳踐雲輶之新轍現叔卿於  
杪樹醒圖南於鑿穴發清嘯於幽篁度流鈴於穠樾隆  
崇聳萃厥惟南峰隱蔽光互呼吸天通縱覽塵界蒼蒼  
濛濛宇宙不盡心目未窮荆岷岐梁嶠澗漢隴聚兮培  
塿散兮蛟螭慨陵谷之變遷終峰巒之揖拱天天皞皞  
熠熠煌煌歛翻銀濤倏射金光電掣莫竟蛇行靡常蜿  
蜒逶迤何物爾長緬黃河與清渭麗晴旭而波揚錯愕  
疑夢駭忤欲狂遡十州之曠邈隘六合而翱翔至若東

睇扶桑西睨昧谷海拂金烏崦回玉兔擅大觀而鮮儔  
殫羣山而稱獨時乎鸞旌鶴馭金支翠旂異香馥郁靈  
光陸離青童前導玉女後隨纖弱窈窕婉孌旖旎昇巖  
遵麓往往見之遙瞻禮而傾矚兮林闕靜而撼撼羌低  
徊而於邑兮衷鬱陶而覩覩美恬澹而寡營兮抱一以  
嗇契冥筮而脩舉兮守默以遠覲弱水之淼茫兮疇濟  
慈舶覩閩苑之寥廓兮孰錫琅冊予將來瑤石之九節  
兮和以瀟澤茹丹丘之三秀兮餐以璫液伐五粒之巨

松兮俯拾琥珀憇長春之石室兮橫吹玉笛碧雲漸合  
兮遼空暝色美人延佇兮搖搖心惻於是歌竹几掩柴  
扃煮白石餌黃精牖隙暉晃非燐非螢乍遠乍近忽滅  
忽熒穿叢薄而無景度銳嶠而有聲峽口吐月冷浸玉  
京雖踰望之漸虧顧澄宇之倍明三峰鼎立萬仞屹嵒  
羊角直上天柱高擎儼兜鍪之大將凜鬣壓之神兵迅  
兮若搏側兮若崩蒸雲滂翳瞥失厥形千崖怒號衆壑  
哀鳴沈澗岑寂怔忡靡寧獨爇松火朗誦黃庭瑤階步



虛若有人聽倦而假寐曙色已昡悄然而思肅然而返  
拂讀殘碑披讐遺簡百千萬劫永填鬼我七十二君俱  
杼望款致雨興雲儲禎祛疹德膺封秩功崇祀典諒少  
吳之下都宜薈收之別館詎堪宇之隩區寶鍾毓之流  
行慝麗則之萎索負幽悶之探纂既黯黯以傷別又眇  
眇而增難倘遊岱之無期副明山而未晚亂曰巉巉太  
華埒崑崙兮磈磈峻嶽駐軒轅兮二曜迭運為朝昏兮  
萬象咸羅肆吐吞兮逝哉鼇極奠乾坤兮叢爾蟻垤列

兒孫兮九闕有路達天門兮八翼罔折叩帝閭兮援余  
之手標掌痕兮晞余之髮出沐盆兮啜飲沆瀣滌囂煩  
兮戲擊菡萏挹芳磨兮調笑巧詭顧鬢卷兮相與目成  
獨無言兮緣茲一念復沉淪兮矢潔好修誓偓佺兮再  
尋白帝問真源兮葆我靈灑永弗諼兮

太岳太和山賦

明楊琚

惟太岳之為山兮形肇奠於鴻荒迺渾淪而磅礴兮鍾  
秀氣於玄黃顧發源於嶠冢兮擁翠浪於武當肆連峰

而接岫兮復積嶺而重岡峙漢水之南隅兮跨均房之  
兩疆控翼軫之分野兮應列宿於上蒼羌迴旋乎地軸  
兮扼天闕於古襄衍脈絡於荆山兮析支派於四方七  
十有二峰根盤八百里崔嵬巒岈峩嶷巖巖巖巖巖巖如對  
森列如竦若迴而馳似行而止若豁而訝似立而跂或  
俯焉而復昂或仰焉而崛起或蜿蜒兮如龍如蛇或蹲  
踞兮如虎如兕或尖銳兮如筆如鋒或正直兮如屏如  
几若乃三十六巖之幽虛二十四澗之逸邈五臺五井



火燄之紅樹如龍爪之倪飛泉滴溜漱乎瑣瑤松風響  
籟鳴於遠邇四季常見靈鴉雙雙繞林垆五更或聞天  
雞喔喔號雲岵白鷗錦雉同飲啄夫巖頭神虎仙麋迭  
巡行乎山趾紫芝瑞艸百千其名珍禽怪獸不可殫紀  
又如龍宮雷洞深窅虛明風穴星牖沈寥呀哆表以禹  
跡步雲之橋帶以太一天池之水日出則嵐飛靄收蒼  
翠滿前月明則鶴唳猿號清幽無比兼有洞天福地之  
靚深孰謂蓬萊方丈之不在是也有若大頂之峰端然

正坐處乎其中吾不知其幾千萬仞但見形威峻極與  
天而為柱氣象巍峨杖地而撐空其高無並其旁靡從  
匪衡匪岱匪華匪嵩既非醫閭之可擬亦非恒霍之可  
同前有五老後有五龍右有措笏九卿左有手扒三公  
東有始老展旗兀渡金鎖西有隱仙疊字千丈雞籠北  
有皇崖顯定貪狼獅子南有仙人隱士伏魔降龍又有  
聚雲香爐大名蠟燭大蓮小蓮文曲武曲天馬玉筍之  
重重丹皂龍門之直直直千巖萬嶂各獻幽竒四面羣峰

互相倚伏乃獨孕秀奠居盱眙駭目上接青雲下臨深  
谷其視衆山之周遭迴繞拱向環簇有如王者之臨諸  
侯大宗之俯族屬乃五岳之長兄四鎮之伯叔遠若蒼  
梧之九疑巫山十二峰並呼其家督遠則赤龍寶砲橫  
黃方界皆目其為幹僕此我皇明所以表章謂之太岳  
太和而咸五為六也邪是宜玉臺高壘石檻玲瓏闕以  
門闕繚以垣墉金殿之據乎其上煥棟宇之穹窿天帝  
之宅乎其內躡龜蛇之玄蹤捧劔兮玉女執旗兮青童

侍從兮靈官導引兮先鋒照日月兮層構映上下兮天  
宮耀金光兮燦爛洞遐矚兮昭融飛複檻兮霄際縹雲  
靈兮瞳矓信列仙之所棲豈塵俗兮可容外有天門三  
重雲梯萬級自卑視高曼延壁立挂懸空之霽虹逼霄  
漢於咫尺厯參井之鈎連詎跬步之可即躋欲半而悸  
驚憑危欄而上陟慨登望之多艱夢徒兆於生翼及夫  
天門之外則隨山通道跨澗架梯翦除榛莽辨域定規  
或聳琳宮而開寶殿或興古廟而建神祠或敞珠龕於



巖畔或創桂觀於山碑築石室以藏仙服峨彩亭以貯  
御碑彌東南而亘西北彷彿閭闔而廣焚楹雕牆橫截乎  
山谷仙廬盤鬱乎坤維熾丹牖於林杪鳴鐘鼓於屈屨  
境之最勝者無如紫霄峰之最高者莫踰天柱南巖五  
龍兮幽雅瑰竒玉虛淨樂兮輪奐規矩清微真慶兮非  
不霄崢遇真朝天兮俱號紫府似茲宮觀兮三十六所  
其餘庭院兮更僕莫數丹房石室兮雖寒不寒雪窩涼  
亭兮當暑不暑甚至萬松一泓各有軒亭鉢堂方丈亦

為峻宇隘四衝而騰八達張千門而啓萬戶宗大岳而  
朝玄穹翼太和而壯今古人皆疑其天造而地設或出  
於幽贊而陰輔不然何以楹柱林林梁棟楚楚而有此  
廓度宏模福區玄圃壯神仙之窟宅聳人世之瞻觀吾  
想夫永樂之初內難既彞四海寧謐民物熙熙是以奉  
委之臣以謂聖君有作我儀圖之敢不盡瘁忘疲董督  
指揮朝斯而夕斯由是智者售技而無所隱壯者效力  
而不敢欺雖山林谿谷亦不愛其材孰謂我朝長府之

積皆在所供億而其用不貲又况工咸異履匠踰輪奐  
萬指揮斤而呵氣為霧六軍荷鍤而瞬息為墀庶民子  
來若有神司經之營之倏爾成之於以答景貺而廣孝  
思於以奉明祀而祝丕釐神必徘徊容與於茲康濟邦  
國福祉黔黎以陰祐我皇上聖子神孫集慶禧而撫有  
太平萬萬載洪基賦已復撮其要為頌辭曰偉矣太岳  
摩青蒼兮背漢面漳鎮一方兮奕奕宮殿闡仙岡兮天  
帝莅止周相祥兮氛沴斯靖時雨揚兮慶祚靈長神化

彰兮我皇崇祀佑八荒兮玉質金相昭寵光兮四裔來  
王徵休祥兮海宇乂安垂衣裳兮本久繩繫世萬其昌  
兮俾臣之後嗣亦如諸峰之拱岳永篤為忠良兮

九華山賦

明 章 棟

四可書生性嗜山水三登化城兩遊九子枉踐佳境靜  
思可恥俗緣猶在塵心未洗山靈笑我徒生於此而長  
於此墨工槩人高才雅士披圖慕名望峰獻句徒得其  
槩未詳其媿赤髭白足樵夫牧豎坐卧朝昏遊移遠邇

或三為羣或四為侶遇險不懼逢幽不喜禱雨祈晴如  
斯而已嗚呼自有乾坤便有此山其曰九子取其若弟  
兄之班史遷南遊略而不錄唐李謫仙加以九華之目  
素絲改色璞玉發藏何否於漢而泰於唐諒尤物之不  
終祕迄於今而名逾彰東迓宣歙西控長江上摩青蒼  
以掩靄下壓后土之鴻龐孰刻刻兮渠眉琮璜孰陶鑄  
兮廣輪無彊孰比鄰兮衡廬茅蔣孰主客兮岱霍嵩恒  
爰有鳥兮曰克丁當爰有草兮莎羅鉢囊龜年莫辨神

農未嘗鬪雞有石搗藥有方遊仙有跡去賢有堂冠卿

名高荀鶴名芳希坦學幻清隱言麗季文高尚葛翁荒

唐白龜現瑞丹鳳呈祥浮桃可以致富仙燭可以乘光

龍泉可以沾丐蟾土可以充腸鳴鼓吹於萬壑響雲韶

於叢篁禽言漏梅蘇之集多識缺風雅之章乃若所謂

天河挂綠水秀出九芙蓉方將愛其清絕層標過遲日

半壁明朝霞則又駭其奮迅也積雪曜陰壑飛流歛陽

厓方將歎其含蓄鴻驚曉霜淨花明初雨收則又賞其

間曠也其中幽境客難到方將訝其靜定神母遙遙將  
九子則又驚其活動也排空峭石生玄筭落日奇峰挂  
赤霞此山間之朝暮也峰巒列峙神仙境子母相依孝  
義山此山間之今古也嗚呼千變之形無極萬殊之象  
不同衆繖諸或不能盡冢筆更僕不可終欲升高而舍  
其下等借道而破於矇毋效潘孟陽毋為阮嗣宗申伯  
神嶽孺子靈洪三蘇顯眉叔易愧嵩家隨司馬谷隨惠  
公指終南而鄙盧子語瑯琊而仰醉翁北山迴俗士之

駕南陽卧人中之龍或地靈而人傑或鶴怨而帳空復  
扁石之亦卑干青雲而益崇信崇卑之由我而敗迷亂  
其所從乎諍曰九華之鬱蔥兮新舊號以芙蓉兮佳名  
傑句兩穹隆兮誰復於此巢雲松兮將往者之不可作  
而作者之不工兮我思無窮兮

御定歷代賦彙補遺卷一




謹案補遺第五頁前一行九城燦爛刊本燦訛爛  
今改

第二十六頁後二行伊蓐收之堅方刊本收訛后  
據禮記改

第三十頁後六行雄天都之雉堞刊本雉訛矩今  
改

第三十八頁前一行或創桂觀於山碑按下句即  
用碑字韻此疑訛





總校官庶吉士 臣張能照

校對官編修 臣楊壽楠

騰錄監生 臣莫漢